

摘藻堂四庫全書薈要

集部

欽定四庫全書薈要卷一萬九千四百九十一

集部

皇清文頴卷九十

詩

七言律詩

恭和

御製翰林院宴畢

駕幸貢院七律四首元韻

鄂爾泰

萬歲千秋記此辰  
棘闈寥寂比荒闌  
幾聞

玉趾移亭午來自詞垣論曰辛量校不收無行客獎成  
深許讀書人

御製句云從今不薄讀書人凡見者聞者莫不感奮

薔薇桃李皆含

澤中候凝和豈待春

政術頻煩喻鼎台科名

殷望屬英才南朝風月徒為耳北斗權衡有是哉欲網

鳳麟希世出默祈忠孝待天開文章報國談何易端委

須從性道來

御製句云志賢聖志應須立言孔孟言大是難臣盥手莊誦頓發深省不敢作文字

觀

鴻翥鵬盤祇自搏底曾雲路可相干飽溫無意償三試  
軾輒稱名匹二難國器半為貧賤士棟材常起末微官  
恩懷甲乙惟賢俊衣鉢矜傳局已殘

試院停

鑾午漏沉奎堂吟續壁堂吟叢山木美工求大埶井泉  
微汲戒深持玉尺衡迷五色授朱衣柄譟儒林兼銜早  
愧知人哲

臣於大學士任曾叨  
恩命兩主春闈

精白長應矢此心

恭和



御製翰林院宴畢

駕幸貢院七律四首元韻

張廷玉

參差萬瓦麗霜辰鎖院森沉儼列闈  
禮樂重光逢甲子文章乘運化庚辛  
三年黃卷讐書日五夜青袍索筆人  
共道

聖朝深雨露菁莪同領四時春

帝車五色煥中台冠劔雍容集衆才  
從邁魯詩賡戾止和歌虞陛詠明哉  
蘭臺畫戟凌晨啟蒞榜春華計日開

當代崇儒超往牒棘闈驚喜

至尊來

杳靄青霄墜復搏科名曾說落方干荆山有泣前人惜  
滄海無遺自古難雪案辛勤憐素士冰衡公慎賴專官  
宸章敬誦纏綿語忍使孤桐委爨殘

析鈴周匝漏初沉七度龍門聽苦吟

臣自通籍迄今分校禮闈者三典鄉

會試者四鵬鶚盤雲秋翮健琳琅堆几夜堂深敢云一顧羣

空冀但願多材萃作林此日

屬車叨侍從拜颺仍矢昔年心

恭和

御製翰林院宴畢

駕幸貢院七律四首元韻

福敏

珠斗輝澄仰北辰城魚舒鑰啟重闥崇文共識天開甲  
食德渾忘力學辛鳳舉鴻軒皆翌運玉衡金鑑定知人  
翠華是處爭先睹早覺陽和徧小春

百僚濟濟步三台總是中阿樂育才禮樂於斯為盛矣

文章亦幸有神哉。珠呈滄海，榮光耀玉。剖荆山朗鑑，開  
爭羨風雲多會合。韜藏曾向霧中來。

九秋健翮趁風搏，氣象應教彩筆干。直上龍門原不易，  
禿來兔穎亦良難。懷文更望能尋道，學古方無忝入官。  
努力。

明時須愛日，桂林多少悵花殘。

返轡重城日未沉，錦囊隨。

輦入高吟，文壇氣映風雲壯。才士。

恩沾雨露深歡動青袍迎

彩仗欣看丹桂倚華林

興朝盛事書惇史觀感能無報稱心

恭和

御製翰林院宴畢

駕幸貢院七律四首元韻

陳世倌

文明景運應昌辰鎖院巍莪接帝闈  
萬里風雲期際會十年燈火最艱辛  
詩書淑世還成俗科目掄材在得人

自是

皇心周士類

親臨盛典紀千春

明明魁柄指三台  
珊網期收俊傑才  
鍼芥暗投非偶爾  
鵬鵬能化亦神哉  
禹門浪擊桃花暖  
月殿香飄桂蕊開  
從此士林須努力

至尊曾幸棘闈來

雲程空濶待鵬搏  
誰道弓旌可易干  
文體要從心術正

功名無愧

主恩難特隆  
貢舉參羣議  
為待賢才設  
衆官敬讀  
宸章生感奮  
定無人歎  
黷琴殘

明遠樓高漏點沉  
撚髭欲斷費搜吟  
千門月色人聲靜  
萬舍燈熒夜氣深  
名姓忝曾登蕊榜

恩榮遂得廁瓊林  
回思四十年前事  
生植均關造物心

恭和

御製翰林院宴畢

駕幸貢院七律四首元韻

史貽直

棘闈光氣逼星辰

翠葆霓旌拂綺闥

聖世不忘羅俊彥  
儒生誰敢憚艱辛  
徘徊滄海探珠地  
惆悵荆山獻玉人  
桃花前叢桂後

恩波無限逗陽春

奎斗星明接曙台

恩綸稠疊勵羣材  
誰為國士無雙者  
共仰



王心克一哉人說登瀛仙路迫

帝殷顓俊仕途開龍旗還向龍門度

鳳輦看從鳳沼來

九萬鵬程向此搏雲連矮屋月闌干漏催蠟淚終宵易  
筆走蠶聲得意難校藝場中迎

黼座儒生隊裏擁從官躬逢

聖主旁求切莫恨柯亭爨竹殘

分題握管暮沉沉曾向簷帷剪燭吟幸際風雲依

禁近多慙雨露沐

高深

聖朝會見麟遊囿泰運方看鳳在林禮樂百年瞻至治  
薦賢為國有同心

恭和

御製翰林院宴畢

駕幸貢院七律四首元韻

任蘭枝

翠華臨幸動星辰鎖院光輝照畫闥帳影連雲移甲乙

瑄聲調律換庚辛周官久重賓賢地漢典勤求射策人  
共仰

皇情富追琢菁莪詩裏露垂春

霞標千仞麗天台特敞東堂待俊才駿買金臺看正爾  
鳳鳴桐樹咏良哉粉袍鵠立秋飈爽文陣虹騰曙景開  
萬舍崢嶸添氣色

龍旌曾駐此中來

爭言霧變與風搏珊瑚網層層寶氣千鵲抵崑山論壁易

蚌沉滄海覓珠難榜期龍虎皆名士事羨歐梅作考官  
舊忝

深恩持玉尺南宮連署粉毫殘

學市槐疎花影沉風簷四壁起長吟文章報國情原切  
俊人招弓道更深採徧琨瑤皆入貢收來梓杞自成林  
大科從此人相賀鼓舞咸知

聖主心

恭和

御製翰林院宴畢

駕幸貢院七律四首元韻

彭維新

盛事連綿集令辰  
鸞聲噦噦指東闈  
羣瞻日馭當亭午  
更向風簷恤搢紳

聖意厚期天下士  
儒流寧讓古時人  
棘闈舊是興賢地  
玉輦經臨處處春

文昌躔次近三台  
月露風雲祇費才  
不愧科名斯卓矣  
無求溫飽詎難哉  
朝經暮史根源在  
秋桂春花接續開

結網殷勤非漫爾

皇家元待鳳麟來

扶搖九萬積風搏根托高山見射干登第敢言酬志易  
持衡當念得人難幾多春夢耽榮路莫遣冬烘誚試官  
豈乏殊材涵古淡知音應惜爨桐殘

食葉蠶聲夜漏沉燒殘樺燭尚微吟從來雲路艱辛處  
何意

天臨軫恤深

翰藻榮輝垂試院縹緗

勅賜徧儒林列行縫掖瞻

龍袞四表歡傳

樂育心

恭和

御製翰林院宴畢

駕幸貢院七律四首元韻

張照

槐花落盡及冰辰龍旱紛糝拂綺闌何事

至尊遙戾止為憐士子絕艱辛打頭屋矮風兼雨落手  
蛟騰天與人胥入

重瞳迴注裏拈毫灑作藝林春

消磨髮背作黃台猶向春卿舉茂才方寸難忘餘習耳  
三千斯擊亦悠哉月含清淚光如瀉筆有真花夢亦開  
滌慮束身歸義府未妨得得十回來

蓬梗因風萬里搏雷掇何礙倒題千讀書始見民情易  
窮理方知帝命難棫樸小材須就育圭璋大德不名官



文昌風月三千界莫使仙枝取次殘

如鱗萬舍杳沉沉想見風前墨叻吟人樂簪花諧所願  
帝憐剛璞意何深欲教麟鳳遊郊藪先要琅玕溢泮林  
賢有司今寰海遍尚敷文德叶

皇心

恭和

御製翰林院宴畢

駕幸貢院七律四首元韻

汪由敦

三霄滑露渥昌辰

仙仗重移向綺闈直為蓬山均

愷澤更從棘院

軫難辛繡楹

寶帖榮觀國玉版

奎章懋作人試看和風吹長養八紘隨處布陽春御製

詩并

御製書聯扁

頌

發直省貢院恭奉勒石

奕奕虹光燭斗台百年羅網育真才鳳凰鳴矣梧生矣

元首明哉士勗哉月窟桂飄仙路迥春江杏倚上林開  
誰知鱗次風簷隘特荷

君王玉趾來

鵬背曾看九萬搏門高詎敢寸私干披沙不道求金易  
抱璞應憐獻玉難黎獻萬邦傳帝典賓興三物本周官  
詞源學海敷

彛訓未許區區但守殘

鎖闥晝靜漏森沉幾度煎茶記舊吟

蘇軾有試院煎茶詩檠燭敢

辭通夕倦冰衡頻忝被

恩深珠璣百琲涵滄海杞梓千章蔚鄧林多少迎  
鑾魚雅士欣欣就日見葵心

恭和

御製翰林院宴畢

駕幸貢院七律四首元韻

劉統勲

盛事喧傳共此辰一聲

清蹕徹重闈詞垣已慶新丹雘棘院還蒙

念苦辛在藻依蒲辭舊侶擔簦躡屨有勞人

天文朗耀懸珠斗徧燭鱗鱗萬舍春

聚奎有象應星台勉爾旁求得俊才

王國爲楨洵美矣臣心如水平尚欽哉菁莪不向私門頌  
桃李偏連上苑開何幸青衿瞻黻冕

至尊親到禮闈來

雲鵬有路九霄搏鷁雀休憑弱羽干價比連城真贗別  
目迷五色鑒裁難

訓言剴切垂貞石典故殷勤

問禮官多士幾人能立志遺經長對短檠殘

風簷想像漏聲沉跋燭含毫入夜吟此地幾經文思苦

今朝一顧

聖恩深璠璣器重光崑圃梁棟材多茂鄧林三復

宸章同拜手洪鈞陶鑄見

天心

恭和

御製翰林院宴畢

駕幸貢院七律四首元韻

阿克敦

恰逢陽月最佳辰

特典傳宣遍九閨  
纔向花磚

親翰墨更從棘院

軫艱辛搜羅每下求  
賢詔裏贊終期橐筆人  
此日

翠華勞警蹕千秋文苑  
總含春

文昌司命屬三台  
玉尺金臺校衆才  
天地篤生寧偶爾

國家培養亦深哉誰將美錦心為製漫道紅紗眼未開  
好待春風秋露日持衡一矢潔清來

養成毛羽自飛搏厚祿休將末學干海底千層收欲盡  
竿頭百尺進猶難曲江高會題仙籍雁塔芳名重禮官  
次第上林花信到莫教嘉實鳥銜殘

芹生玉井碧香沉海宇欣傳

御筆吟下士有懷無不達

聖情能鑒一何深焦桐留韻歸宵雅秀木儲材積鄧林



共識

垂衣敷大化  
鈞陶萬類荷

皇心

恭和

御製翰林院宴畢

駕幸貢院七律四首元韻

梁詩正

鑾輿臨幸及霜辰  
棘院深嚴傍

帝闈四海早瞻文  
煥爛

九重猶念士艱辛  
風簷暑促通經彥  
雲路梯攀射策人  
從此

恩流登俊地  
陽和分取藝林春

奎光煜煜燭乾台  
自古瑤林萃衆才  
三載賢能書盛矣  
百年禮樂運皇哉  
魚龍變化隨春動  
桃李繽紛向日開  
金榜更垂

天筆麗旁求

令典式將來

萬仞瓊霄鶚羽搏青雲入望盡思干漫言場屋科名易  
須識

朝廷拜獻難白首一經憐下士丹鉛三復重簾官升沉  
祇判持衡手莫使搜芳桂獨殘

冬冬院漏夜初沉猶記當年抱苦吟宮燭分來催草就  
句臚唱罷被

恩深久咀橄欖回初味敢侶鸞凰忘舊林他日倘教量  
玉尺勉承

明主愛才心

恭和

御製翰林院宴畢

駕幸貢院七律四首元韻

錢陳羣

燦爛文昌拱北辰垂芒下照

帝城闈時清真見才師濟

主聖偏知士苦辛  
樺燭閃風吟  
卷地青衫似草計  
偕人

拜瞻

天仗聞

天語輦路如隨有脚春

人間有路接中台鎖院曾量斗石才試已至三亦足矣

拔能得五儘佳哉晷移蝸舍千行列雲擁龍門四扇開

最憶年時文戰北蹒跚六七番曾來

臣陳羣曾應京兆試五南宮試三而

成進士

羽儀王國待扶搏不是尋常挾策干擢秀鄧林心匠巧  
求珠赤水夜光難瀾翻舌本推文傑冰作頭銜屬試官

珍重

至尊延佇意摩挲莫厭漏聲殘

花開桂落寫升沉七字

宸章萬遍吟求士何妨求驥比愛才真與愛民深  
華簪自昔憐初服玉筍經春戀故林寒峻一時齊忤舞敢將  
志業答

皇心

恭和

御製翰林院宴畢

駕幸貢院七律四首元韻

德齡

吾

皇顙俊練良辰鳳旆虹旌集錦闈祇為賢能勞寤寐特  
於科第念艱辛虞門穆穆傳賓俊周雅芃芃賦作人十  
月芳華香擁

座濃恩暖應小陽春

昇平有象協三台藹藹

廷多黼黻才已遣旌旄問姝者更同喜起詠熙哉蒼龍  
彩抱

宸章動若木華連

睿藻開自昔驂騑矜一顧爭看千里籟雲來

直上清秋翼並搏伐檀那復置河干石多似玉分須急  
金必披沙揀最難郊遂已看移不帥賓興惟待論為官  
聖朝樂育同天地何況琴材爨未殘

井亭桐葉影沉沉曾記當年事苦吟奔走未酬官爵重



文章詎報

國恩深嘉祥久兆芙蓉鏡盛事彌誇桂樹林幸上星辰  
隨曳履惟期不負讀書心

恭和

御製翰林院宴畢

駕幸貢院七律四首元韻

塞爾赫

鑾輿臨幸趁良辰棘院崇墉接綺闈三載方窺魚變化  
九重先念士艱辛興賢選俊

明廷典篝火聽雞皓首人愛物

天心揮玉藻龍門十月暖於春

三公昭德映三台濟務須憑選達才進退於茲豈偶爾  
股肱自古重良哉春風二月天桃發瑞露三秋丹桂開  
臣愧愚頑仍分淺未能此地唱名來

青衿鵠立擬雲搏射策原非祿可干多士漫矜登第易  
昔人端底歎才難翻飛遮莫騰雙翮隕越常憂曠一官  
只為懷

恩勲衰老肯隨霜葉就凋殘

聚奎堂外曉烟沉

輦路簫韶龍鳳吟

誥誡常聆

天語切栽培益感

帝恩深掄才自此澄冰鑑  
擣藻應看煥藝林千載一時

期共勉莫教辜負

聖君心

恭和

御製翰林院宴畢

駕幸貢院七律四首元韻

秦蕙田

瀛洲雅讌洽良辰

帝輦還巡鎖院闈

九陛

溫綸垂渙汗一時寒士釋酸辛容光不隔通微照棘地

初傳

警蹕人曠典千秋書甲子龍門十月普陽春

奎垣瑞氣近三台

聖世賓興禮上才  
燒尾浪高非偶爾  
穿楊心苦亦微哉  
人稱冀北驂騮壯  
天與文昌日月開  
此際風簷瞻翠葆  
殊榮偏喜話從來

培風莊叟羨飛搏  
直上青雲未易干  
下乘只今愁任重  
治朝從古說才難  
正期志節侔三代  
詎以文辭貿一官  
寸晷厚叨

勤恤意寒窻忍愛雪燈殘

紫陌迴鑣日未沉  
光昭雲漢麗高吟  
百年典故寄權衡  
鉅  
七字恩同覆載深  
畫燭那知輝

鳳藻青衫從此重  
雞林昇平盛事榮  
稽古情竭難傳報  
稱心

恭和

御製翰林院宴畢

駕幸貢院七律四首元韻

勵宗萬

霓旌翠葆拂星辰一片非烟散綺闥

特幸文場觀整肅深憐舉子備艱辛日邊氣吐青雲客  
山外觀回泣玉人四首

宸章勤慰勞枯桐殘桂總含春

慎遴冰鑒自奎台力屏囂浮拔異才九載

旁求思切矣幾回

申命曰欽哉化承累洽滋培厚運始中原氣象開注記

一時多

曠典賡歌纔自玉堂來

鵬鶚乘秋奮擊搏何曾老去屈方干盡除宿弊持衡易  
特命新題剴說難入彀文雖知有數抱才人不患無官  
雞窓自此都勤學書卷寧供蠹蝕殘

三條燭盡漏聲沉記得風簷擁鼻吟  
僥倖昔年為學淺科名奕世受

恩深漸看暖律回寒谷又聽嚶鳴滿上林  
萬彙均歸陶鑄裏傾陽惟有竭葵心



恭和

御製翰林院宴畢

駕幸貢院七律四首元韻

張若靄

百年容易值茲辰拜聽

新綸出禁闈

鸞輅乍臨爭舞乍雞窻回憶倍艱辛典隆獻策明經地

念軫風簷雪案人何幸

天顏親指顧一時矮屋盡逢春

文昌炳炳麗中台嶽降嵩生有茂才舉矢成驕良巧矣  
茹荼得蔗亦佳哉珊瑚網密殷勤護桃李陰濃次第開  
聖治休明儒術重觀光爭向

日邊來

碧漢迢遙彩翼搏鵬飛誰復敢私干風雲際會翱翔易  
雨露涵濡報稱難夜永朱衣陰相士春遊紫陌待除官  
盛朝最慎量才尺那惜三條燭蕊殘

銅壺聽徹漏沉沉廡下人還擁鼻吟得第詎忘雲路迥

崇儒今荷

主恩深明珠喜見來滄海  
小草先教托上林從此單寒  
依廣廈昭回雲漢答

天心

恭和

御製翰林院宴畢

駕幸貢院七律四首元韻

嵩壽

帝德秉乾撫五辰制開棘院麗城闈  
雲程千丈真騰躍

雪案三冬歷苦辛  
筆落風生能肖物  
衡懸冰鑑故由人  
即今

上苑看花滿多是  
寒枝後試春

祥雲瑞靄護三台  
天佑

明時鍾異才  
金鼎調羹能辦矣  
龍門發軔信奇哉  
如椽鉅筆千鈞立  
射斗文光一道開

聖念特憐多士苦  
棘闈欣見

翠華來

長風共擬學鵬搏遇合由來不可干溫飽志曾除却未  
科名籍要克當難探香月窟推佳士搖珮

金鑾拜列官漏盡清宵文思湧恬吟那計燭光殘

參差雉堞影沉沉鎖院風清入夜吟駿足應圖來絕遠  
珊瑚啟網出重深爬羅文采絲抽繭澹蕩韶光花滿林  
溫語數行

宸矚近春和育士

聖人心

恭和

御製翰林院宴畢

駕幸貢院七律四首元韻

張鵬种

禁苑行觴燕吉辰  
棘園飛旆泣嚴闈  
荆山玉璞呈和氏  
燕國金臺致劇辛  
健翮當風培萬里  
弱毫結陣掃千人  
昌時加意勤

清問莫負紛綸井大春

斗魁高擢接星台  
首善人文上國才  
科第摘髭誠易耳

英雄入彀信奇哉鵠袍有淚臨風洒  
虎榜無私傍日開  
更喜觀光承

御蹕歡迎夾道拜恩來

光華日月聚搏搏綵筆誰將象緯干  
雷雨魚龍相混易  
風塵簷屨脫離難司徒六行非空舉  
宵雅三終早肄官  
聖主旁求申命切肯教黠額恣摧殘

鯤桓雀躍意飛沉

當宁咨嗟動遠吟馬勒朝銜千壁靜  
魚鱗夜簇萬燈深

珠璣詎抵賢為寶梁棟先儲士作林不薄讀書真有味  
皇言肫切感人心

恭和

御製翰林院宴畢

駕幸貢院七律四首元韻

劉綸

堂開鳳味際昌辰

華蓋遙臨望

帝闈此日



宸遊增物色經時文戰憶艱辛風雲並護三千籍雨露  
先霑十八人踏遍槐花秋報罷行看珊網結來春

千將有氣叶中台黃榜齊登重茂才文史三冬應足矣  
名經千佛信佳哉祇知溟北風多便爭許終南徑別開  
自此登龍真得地

至尊親駕六飛來

修翅垂天任擊搏誰矜采筆昔遊千每懷

宵旰求賢切彌覺文章報

國難策射天人推漢制書升道藝重周官扶輪大雅資  
真賞不獨芸窓飽蠹殘

明遠樓前漏欲沉五通十帖記披吟頻年襍硯慚材拙

兩試持衡感遇深

乾隆戊午己未鄉會兩試臣  
綸並蒙 恩命充同考官

敢以

微涓量學海祇期弱草藉華林瑣闥聽譖迎

鑒曲萬品鈞陶荷

聖心

恭和

御製翰林院宴畢

駕幸貢院七律四首元韻

嵇璜

光勳魁躔紀瑞辰

鑾輿新貢鎖闈闈求賢

聖主如饑渴挾策真才獨苦辛  
玉尺平量期獲雋金針  
暗度屬何人龍門此日紆

宸顧寒谷吹噓總是春

黼黻文章耀鼎台

朝廷立政在儲才知人則哲誠難矣觀國之光尚勗哉  
天筆大書珠斗煥

帝歌庸作慶雲開從今郭隗臺邊路不數千金買駿來  
前程九萬儘扶搏忍困藩籬不上千五色賦成迷目易  
三條燭燼稱心難惟憑雅正師多士肯以浮華炫試官  
博得

天顏回一笑短垣猶剩墨痕殘

棘院行行景象沉巡簷凝睇想幽吟政先釐剔頽風挽

澤溥滋培

至意深遠溯源流澄道派盡刊枝葉振詞林千秋衡鑑

應相勵報

國先酬造士心

恭和

御製翰林院宴畢

駕幸貢院七律四首元韻

張映辰

鸞旗玉輅耀三辰萬騎喧闐溢

帝闈文運宏開週再甲棘闈

親幸值先辛

是日庚午

清班共集蓬瀛宴綺陌曾傳龍虎人

紉縵光華歌復旦不徒桃李滿城春

奎壁星明映斗台珊瑚鐵網試真才三條風燭備嘗矣  
萬里雲鵬不易哉丹桂有香從月落碧桃和露向春開  
天街策馬看花遍莫忘門前鵲立來

雲翼乘風九萬搏豐城光氣屬吳干文如翻水成偏易  
中擬青錢選極難自昔賢書傳盛典即今

聖治重儒官

右文雅意知辛苦好向芸編共抱殘

銅龍水咽漏聲沉記向

螭坳珥筆吟

三殿常瞻

金闕迥五雲回首玉堂深追陪宴序遊文圃賡和詩才

媿學林叨被

殊榮何以報壺中一片矢冰心

恭和

御製翰林院宴畢

駕幸貢院七律四首元韻

于振

儒風有幸際

昌辰欣迓

鑾輿出

紫闥自是

一人勤教育非關多士歎艱辛誰知



雲棟繙經日時塵風簷刻燭人拜頌

天章多感泣禹門鱗鬣盡回春

妙簡名臣佇鼎台三年大比為掄才試思不愧科名者  
此志寧惟溫飽哉桃杏已隨佳日種芙蓉亦向小春開  
三千弱水天風勁曾見飈輪幾度來

溟海天池儘控搏何曾草澤老方干果如飯顆耽吟苦  
不患陽春賞識難

帝世四門明


舜目

盛朝六典重周官  
春風苦啖紅綾餅  
勿笑蟲牙老齒殘  
潛鱗健翮異飛沉  
蟋蟀經秋亦解吟  
琴遇鍾期思愈切  
驥逢伯樂感彌深  
從教乳燕栖文棟  
兼許巢鳥集上林  
雅意旁求羅俊彥

天書昭揭

聖人心

皇清文頴卷九十



總校官庶吉士臣張能照

校對官檢討臣郭寅

謄錄監生臣許祖懷

欽定四庫全書叢要

集部

皇清文穎卷九十二



欽定四庫全書薈要卷一萬九千四百九十二

集部

皇清文頴卷九十一

詩

言律詩

恭和

御製翰林院宴畢

駕幸貢院七律四首元韻

表曰修

棘闈光采動星辰  
鴛瓦鱗鱗接

紫闥運際龍飛天甲子風高鶚薦日庚辛論文自詡千  
秋事挾策爭來萬里人漫說此中桃李盛吹噓都屬

上林春

祥凝五緯聚三台應運誰為特達才經術一時推學者  
股肱他日待良哉

天章遍許儒林誦

仙榜新從藝圃開曾是諸生攻苦地不圖親見  
至尊來

閨苑翩躚鶴影搏瑤臺十二碧闌干試看雷雨經綸起  
未覺風雲際會難首闢四門符舜典載申三物重周官  
聖朝玉尺高懸處不使良材爨下殘

擗管曾驚晝影沉春蠶食葉憶孤吟有懷漫比漣漪淨  
被

澤真同渤澥深謬謂文章抵鐘鼎不將廊廟負山林風  
簷舊夢驚回首猶是青燈十載心

恭和



御製翰林院宴畢

駕幸貢院七律四首元韻

陳邦彥

奎騰東井應昌辰

帝輦遙臨下紫闥  
纔向鳳池歌宴衍  
又從棘院閱艱辛

千行試舍邀

宸睠萬類洪鑪荷

聖人一自

翠華遊幸後  
鵬霄鶯谷盡生春

賢書自昔寄中台選駿頻收馭遠才五色文章非易也  
九重與命曰欽哉青燈夜雨連宵課紅杏春風傍日開  
攻苦寒窗蒙

睿咏

恩隨墨瀋自天來

漫說長風萬里搏從來詔祿豈容干生逢

聖世飛騰易身入賢關報稱難俊乂闢門符舜典明經  
多士擬周官

鑾輿已度龍門影  
棧撲登歌尚未殘

天意憐才詩思沉  
簷風寸晷動高吟  
至公堂上秋雲淡  
明遠樓中碧月深  
甲乙品題歸水鏡  
珪璋磨礪得瑤林  
還鑣追憶紅綾夢  
更凜冰淵精白心

恭和

御製翰林院宴畢

駕幸貢院七律四首元韻

鄂容安

玉堂高會近星辰  
試院鳴鸞

紫禁闈巨典鴻文超令甲景雲旭日正先辛

是日庚午

從容

天步登龍路辛苦風簷立鵠人瑞氣珠宮渾不散賢關  
草木盡回春

地憑北斗映三台桂籍槐廳引彥才

君子游歌真樂只文章場圃亦雄哉風簷月燭千廊寂  
意蕊心花一院開貢樹分香

天語接他年公輔此中来

長風羽翼試高搏氣象虛傳彩筆干誠正由来與己切

才華到底報

恩難鎬豐雅頌尊周士賈董風規貢漢官省識寸心關  
得失秋江應不怨凋殘

霓旌鳳唳晝沉沉雲路鵬程入

聖吟千載持衡

天鑑在百年養士

國恩深芙蓉敢有先傳鏡桃李誰言自得林科第須從  
忠孝副雲霄儀羽

九重心

恭和

御製翰林院宴畢

駕幸貢院七律四首元韻

觀保

至德垂裳拱北辰恭惟

仙仗越城闈頒來

丹詔逢先甲算到良時屈下辛

二十八日辛未

零露已霑儀鳳

侶和風兼拂聽鶯人棘闈咫尺金坡路十月春如二月

春

遙望丹梯接曙台  
綢羅欲盡碧雲才  
遭逢如此人知否  
辛苦猶蒙

帝念哉萬歲三呼千載會

重瞳一顧四門開  
柳邊蹀躞金臺駿  
知為庥明作瑞來  
敢道憑空一鶚搏  
培風訝許九霄干  
花因向日開常早  
草喜逢春綠不難  
屈指四年膺

寵命衡文三度典  
寒官追陪此地

恩尤切報稱常思五夢殘

星臺萃律玉璣沉北斗城邊萬籟吟天運左旋清漏迥  
日華東出慶雲深畢箕風雨從民好奎壁文章徹藝林  
一豫一遊關繫重

帝王心是化工心

恭和

御製翰林院宴畢

駕幸貢院七律四首元韻

于敏中



斗牛光氣應星辰尺五天南接

帝闈文運百年周甲子秋期八月過庚辛為

臨丹禁蓬山地還

念青衫席帽人鎖院盛傳

車駕幸一時寒峻總生春

聚奎堂迥接中台此地三年一選才漫說功名偶然耳  
亦知科第豈徒哉金臺本為求賢築珊瑚網原因籲俊開  
寄語槐花忙裏客好從洗髓伐毛來

璇榜

天題一氣搏兩行珠琲耀闌干若論觀國才非易語到  
知人哲最難萬選伊誰如學士三升自昔重周官小臣  
却憶當年事幾度風簷聽漏殘

日麗龍門曉霧沉文昌風景入

高吟花開桂落憐甘苦雲路鵬程閱淺深持鑑敢忘清  
似水儲才還冀盛如林萬間廣廈千秋遇總是

君師教育心

恭和

御製翰林院宴畢

駕幸貢院七律四首元韻

董邦達

文教昌明際此辰五雲佳氣護層闈  
奎垣正耀重開甲  
吳命時申自納辛  
已集蓬池傳鎬宴  
更臨棘院作周人  
多將萬點

恩波雨灑遍千山桃李春

清時灼灼啟英台

帝念殷殷育俊才儒術真堪經世也制科豈是為名哉  
三秋蟾影香初馥二月仙姿紅又開多少風簷辛苦淚  
翻從感激

聖恩來

積厚方將九萬搏可容輕易向時干傳薪有學斯無忝  
翻水成文未足難自古闢門開盛典

熙朝敷政屬儒官程材大小周時用莫便迂疎但守殘  
賢關咫尺判升沉回首當年鎖院吟忝與持衡慚識淺

肯教張網畏淵深  
昭回雲漢欽

天藻樂育菁莪滿士林  
屢被

恩膏難報稱  
願將冰雪勵臣心

恭和

御製翰林院宴畢

駕幸貢院七律四首元韻

宋楠

纔看冰署集星辰  
又見

鑾輿轉鳳闈  
校士此間分  
甲乙撤闈前  
月紀庚辛洵知

上苑鳴珂侶原是風簷剪燭人  
兩地儒紳俱望

幸珠旂隨處佈陽春

慈榜人多位鼎台經綸端藉出羣才  
文期有用為佳耳  
士聽無譁尚慎哉壁府占祥星再耀  
史臣紀事帙重開  
乾隆九載初冬吉

大駕親臨貢院來

鵬背長風九萬搏摩霄有路豈須干冰  
甌雪梳盟心易  
月斧雲斤措手難題目

禁中由

御定主司簾內異麤官千金得士期登用莫注蟲魚但  
守殘

等閒雲路判升沉甘苦何期入

睿吟一代制科風尚貴百年

文教濯磨深

龍章並仰書垂露鶯谷行看羽出林共慶生民來未有

帝王如此愛才心

恭和

御製翰林院宴畢

駕幸貢院七律四首元韻

鶴年

譽髦斯士慶逢辰

仙仗爭看溢巷闔棘院

親臨逢再甲風簷遍覽念多辛  
飛鳴益奮搏霄翼程穠  
應無失路人

鸞輅所過如挾纈不關候值小陽春



寶翰輝煌照斗台

旁求至意屬真才無私鑑物須淵若有志觀光尚勉哉  
詞館清華門益闢蓼蕭譽處宴新開相期握瑾懷瑜輩  
盡入瀛洲座裏來

文陣須將大力搏袖中行卷漫輕干弊清簾外蒐羅易  
題出

宸衷擬議難自此諸生歸就學更無捷徑去求官三年  
養得凌雲氣不怕天香桂子殘

龍門咫尺判升沉特軫

皇情寄雅吟辛苦三場天不負漸摩百載

澤尤深愧非經笥叨師席漫向鱣堂課士林弦誦各教  
敦實學菁莪仰副

育才心

恭和

御製翰林院宴畢

駕幸貢院七律四首元韻

吳應枚

駕莅瀛洲燕喜辰載

巡棘院統闈闈詞曹榮並卿和相甘味回思苦共辛放  
眼選場誰是佛殫心舉業始成人小春旭日迎

仙仗

賜與青陽左个春

奎光萬道接三台百載陶成間世才雲漢為章歌倬彼  
海隅時舉詠康哉桂培蟾窟先期種雷動龍門特地開  
多少青袍齊額手今朝親見

翠華來

三千水擊羨扶搏  
綵筆曾聞氣象干  
市駿有臺還鄭重  
梯雲得路本艱難  
直從根抵端儒術  
常以公明勗試官  
要副

九重臨幸意敢希  
弋獲守叢殘

鑾輅迴翔晝漏沉  
鹿茸魚藻矢清吟  
紅雲一朵瞻

天近樺燭三條想  
夜深如壁如圭珍  
待聘樹人樹德蔚  
成林玉堂遙望

恩同戴汲引惟期表素心

恭和

御製翰林院宴畢

駕幸貢院七律四首元韻

德保

鑾輿初降棘闈辰士氣文光滿

帝闈倩補

袞龍修黼黻擬調鼎味試酸辛焜煌翰墨昭千古赫奕

謨猷仰

一人致囑朱衣詳點額培成桃李待先春

昭明奎壁接三台

天步巡行重勸才際遇

明君將仕矣韞藏美玉待沽哉  
崔魏虎觀千尋上閭闔  
龍門四達開定有英賢孚

帝望賁然會見白駒來

仙仗來臨五鳳搏緣求鴻鳥漸於干共知  
入仕如今易  
始信為

君自古難

聖意周詳憐士子公車感激奮

王官洪鈞鼓鑄斯文運不比尋常補缺殘

昭融和霽晝沉沉景物歡承

睿藻吟士習教成敦古樸

天才神縱仰

高深鶯聲幾處鳴幽谷春色新年發杏林從此

恩波籠鎖院觀光應勉致

君心

恭和

御製翰林院宴畢

駕幸貢院七律四首元韻

秦勇均

鸞旂飄拂燦星辰  
文士歡迎傍鳳闈  
欣覩棘闈輝氣象  
更煩

瑤翰詠艱辛  
十年寒暑橫經客  
萬里關山獻策人  
自入宸衷加愛惜  
螢窗雪案總陽春



文昌光氣近三台玉尺平量

盛世才軍夢火山祥兆矣城飛聊矢意雄哉龍門轉盼  
桃花麗蟾窟遙瞻桂子開從此揮毫添得意並誇曾接  
聖人來

展翮羣思九萬搏最憐及第似方干莫言千仞登梯易  
曾悵三年入彀難伯樂未逢空入市卞和幾次獻當官  
兩廊燈火今回憶七札穿來月影殘

淵底珠光豈久沉五雲多處聽龍吟層霄奎壁流輝遠

四國菁莪被

澤深

法駕經臨歡士氣

宸章傳誦寶儒林  
草茅聽說叨

光寵倍矢傾葵報

國心

恭和

御製翰林院宴畢

駕幸貢院七律四首元韻

栢謙

三載從傳貢士辰試闈常傍禁城闈玉堂幸沐

新恩渥棘院寧忘舊日辛通籍正宜思故我濡毫原是  
此中人欣瞻

鳳輦親臨幸纖草齊涵大造春

科名自古應奎台衡鑑還須別茂才雲漢作人非偶爾  
菁莪養士豈徒哉十年面壁蓬扉扃一日登雲蒞榜開  
甘苦休言人莫喻曾看此地

翠華來

垂天羽翼任鵬搏鎖院森嚴未敢干螢火聚光窺慘淡  
蜂房釀蜜識艱難青雲得路趨

雙闕白首窮經効一官多少幽情歸

睿鑑底因遲遇惜衰殘

科名得失判升沉下里休消白雪吟景慶喜符昌運瑞  
文章思報

國恩深

賜觀睿藻超

瑤陛遠播

綸音遍藝林會向金門看釋褐輸忠誰不罄丹心

恭和

御製翰林院宴畢

駕幸貢院七律四首元韻

張映斗

蓬池魚藻樂嘉辰載

幸文闈近綺闈臺笠四周瞻氣象

鑾輿一顧念艱辛青雲納履非無路白首懷鉛大有人  
簾月燈風湫隘地

宸光煦煦照陽春

席帽隨身志鼎台幾經磨礪盛年才心追作者良難耳  
論少卑之曷尚哉織錦每誇新樣改栽花休問故園開  
龍門莫悵秋濤冷瀛海

恩波汨汨來

鵬鶚俱從雲路搏禮羅豈屑雉媒干明珠十斛平量易

寶劒雙精鑒識難三策天人光漢詔九年選造重周官  
法宮正鼓雲和瑟肯使焦桐爨下殘

海天魚鳥各飛沉叨與看花馬上吟昔夢尚驚三榜發  
新篇載紀五雲深昇平潤色歸經術大雅扶輪廣學林  
玉尺金衡

天賜予儒臣長合矢冰心

恭和

御製翰林院宴畢

駕幸貢院七律四首元韻

徐景熹

養士掄才撫五辰

翠華曉日出重闈  
風簷晷度雙丸速  
樺燭光添五夜辛  
南省探花曾有使  
秋林攀桂更多人  
紛綸經術邀

知遇試問誰如井大春

文昌列宿耀三台  
雲漢為章肯育才  
匣有寒芒歸識者  
匱多美玉尚沾哉  
驂騑自見馳驅穩  
桃李還欣爛漫開  
珍重書升成



曠典棘闡喜迓

六龍來

展翼皆期九萬搏原知天祿不須干名經千佛題非易  
健翮三秋奮未難抱璞久應邀巨眼席珍果識重儒官  
風雲多士霑

恩渥感激

天心滴淚殘

鎖院森嚴夜柝沉  
沈樵髭抱膝費清吟  
璠璣可有良工琢

杞梓真邀

大澤深桂蕊芬時環寶樹杏花開處上春林作人棧樸  
逢

熙運簡在均宜報

聖心

恭和

御製翰林院宴畢

駕幸貢院七律四首元韻

楊述曾

紀元甲子際昌辰雲漢昭回麗九閭鼇禁濡

恩歌宴樂龍門紆

念涉艱辛華筵此日簪毫侶短策當年席帽人

特賁紫泥移

鳳輦一時藝苑總迴春

巽地三條映斗台

聖朝羅網重英才振興士氣俱升矣稠疊

王言實大哉棘舍萬間雲色燦風簷四面日華開那知

燭淚燒殘處也入

重瞳盼睞來

培風鵬翮任飛搏勿以求心逐野干便腹五經真不易  
摘鬚一第未爭難文成黼黻方華國苟有衣裳省服官  
三尺短檠看尚在書囊無底讀更殘

春蠶食葉晝沉沉鳳味堂前幾度吟名次臚雲邀

簡擢家仍

禁籞荷

高深一條冰繫膺華選二丈光分照上林更咏詩篇新  
棧樸金相玉琢答

皇心

恭和

御製翰林院宴畢

駕幸貢院七律四首元韻

鍾衡

蓬瀛宴罷值良辰

鳳蹕欣過

帝里闈官舍深嚴無請謁棘闌料峭倍艱辛應知他日  
登龍客不負當年題柱人萬里鵬程從此始彈冠共慶  
玉堂春

榮光熠熠耀三台為國須求俊人才冰鑑玉壺長在否  
龍雕虎繡實雄哉三條燭盡文星燦五夜風清鎖院開  
最是月中攀桂客聯翩俱赴鹿鳴來

風簷咫尺欲鵬搏十丈文星射鏑干曾是槐黃情最切  
由來棘綠景猶難清華有路堪酬志

明主憐才不惜官身際

聖朝文物盛莫教歲月易摧殘

明時籲俊念升沉得失雲泥入

帝吟三載賓興宏典禮百年培養沐高深一行

鳳詔頒中禁五色龍旂出上林黃闥小臣同拜獻賡歌  
敬體

聖皇心

恭和

御製翰林院宴畢

駕幸貢院七律四首元韻

程鍾彥

龍光燕喜慶芳辰

帝引奎靈駐綺闌  
杏苑南宮儲甲乙  
桂輪西顙應庚辛  
長開科目登良士  
廣貯圖書待學人

鑾輅親臨宏沛澤  
成蹊桃李已含春

銀漢光芒接斗台  
作人雅化起英才  
致身雲路誠榮矣  
稽古行間尚勗哉  
道域已隨



天步闢賢關特荷

聖恩開蓬山瀑直揮毫彥都是

鴻鈞陶鑄來

扶搖九萬效鵬搏白雉青雲直上千閭苑迢遙瞻亦近  
天門誅宥到非難神凝如坐清華館心靜誰移耳目官  
摹得廟堂鐘呂韻砢鐫未覺漏聲殘

聯翩席舍晝陰沉下筆聞聲戒朗吟自古文章崇正始  
從來淺陋即艱深天池芹藻涵

宏澤

上苑鶯花異衆林承乏掖垣宣

德意竹梧長表向陽心

恭和

御製翰林院宴畢

駕幸貢院七律四首元韻

鄒一桂

棘闈

臨幸及茲辰翠葆風和接九闈入彀英才爭踴躍思文

聖主識艱辛

巡遊寵被龍門客拜舞

恩霑雁塔人

錫下彤章雲五色難教白雪和陽春

文章天祿曜三台珊網宏收報國才共體

乘乾常惕若尚思稽古凜欽哉紅綾宴自篝燈集丹桂

香因種德開今日持衡舊懷璧莫忘甘苦此中來

萬里扶搖豈易搏青雲有路不須干攤書五夜窮經苦

破浪三門歷級難，理發程朱如月印。  
文卑屈宋是衙官，更知為國求賢意。  
仕學兼資讀未殘。

功名得失豈浮沉，把卷還須仔細吟。  
鹿苑看花承燕喜，鳳池歸燭受

恩深遠。栽桃李敷卬筑，舊采參苓入桂林。  
此際從遊來藝圃，敢忘冰玉勵臣心。

恭和

御製翰林院宴畢

駕幸貢院七律四首元韻

孫灝

鳳沼銜

恩宴吉辰龍津駐

輦瞰重闈頻瞻

日表

天魏煥頓改風簷地苦辛玉筍競誇門下士紗籠曾護  
榜中人爭如雨露培根渥桃李金城萬樹春

文昌座迥冠三台

帝為蒼生佇上才第一官求誰可者無雙士貴豈虛哉  
宮蟾乍喜凌雲接林杏先思向日開盛比橋門觀聽萬  
鎖闌驚見

翠華來

滄溟六翮此鵬搏立鵠孤寒又若干

顧盼自

天儒不賤典文從古見猶難風前畫燭然深夕筆底春  
蠶動試官冰鑑丁寧勞

聖訓夜珠投恐目光殘

桐井朱門列棘沉

宸襟清暇入高吟鄉三物後書升重

國百年来養士深

仙仗雲排光席舍

天章日麗照儒林

小臣

窺管知誠陋籲俊惟期永

德心

恭和

御製翰林院宴畢

駕幸貢院七律四首元韻

楊開鼎

日旌月羽拂三辰警

蹕來遊雉堞闐欣展

舜顏臨太乙競瞻

堯顙類高辛沙堤方宴登瀛客棘院來觀負笈人夾道

歡聲騰

御氣小春今正勝陽春



文昌六宿接三台  
珊網宏羅四字才  
共矢冰心惟謹爾  
敢忘

寶訓往欽哉  
半簷低處祥光擁  
一鑑懸時景運開  
說與橫經諸髦士  
龍門信有

六龍來

六月培風萬里搏  
青雲綵筆也能干  
懷中瑜瑾酌金鑑  
字裏珠璣勝木難  
自昔天人推漢策  
由來俊乂屬周官  
離疏須副旁求意  
莫向空山啖芋殘

銀河一抹夜初沉  
畫角聲中費苦吟  
玉尺平衡多士奮  
龍文軒翥五雲深  
收羅經術歸藜閣  
珍重科名比桂林  
自佩烏囊何所報

皇猷願贊育賢心

恭和

御製翰林院宴畢

駕幸貢院七律四首元韻

周孔從

奎文璀璨應昌辰  
鎖院重重拱

帝閨幸倚玉堂叨

寵眷敢忘雲路共艱辛  
鹿鳴岑野歌君子鳳  
翽梧岡詠  
吉人總為崇儒增

曠典

翠華行處藹陽春

雲凝華蓋映三台  
璇曜靈鍾命世才  
文治薰蒸風尚矣  
重闈葱鬱氣佳哉  
黃槐結蔭含秋爽  
紅杏催春報曉開  
海底珊瑚澄鐵網  
一時爭道獻琛來

坐看雲鵬九萬搏鏡湖那復滯方干情知老鶴冲霄易  
肯信新鶯出谷難顰俊四門光舜典賓興三載重周官  
皇情更軫風簷苦不負春蠶食葉殘

香焚紫案晚烟沉校閱曾分剪燭吟

今秋京兆試士細  
臣奉命分校

領文情秋月朗難描風景夜堂深光含寶氣侵珠匣露  
浥清芬滿桂林重捧

天章雲漢表羣材樂育

聖人心

恭和

御製翰林院宴畢

駕幸貢院七律四首元韻

邵齊燾

棘闈榮幸值昌辰

鳳蓋鸞鈴歷翠闈  
儒雅銜欣資化育

宸居徹邃念甘辛  
衡梁攸寄

皇多士雲漢為章

聖作人甲子  
恰逢新日至

帝車指處即陽春

早為他年慎鉉台鎖闥

行幸重掄才

前旒俯察誠明矣

元首賡歌曰喜哉桐梓維楨知地敏山川欲雨睹雲開  
英賢從此相望出何待箕星入夢來

九萬風區大翼搏清時爵祿不須干惟賢自以身為取  
則哲誰云

帝所難利見

飛龍瞻首物書升司馬慎論官丁寧寄語觀光士磨礪  
寒窻共抱殘

春秋代序此飛沉虎嘯龍興蟋蟀吟樂育多方食德舊  
旁求在念荷

恩深彈冠好勸賢能駕炤藝教遊道德林慚愧微臣預  
斤斲永持清慎答

皇心

恭和

御製翰林院宴畢

駕幸貢院七律四首元韻

竇光鼐

盛典初開選吉辰  
詰明

鳳駕出重闈  
聯珠共睹奎光燦  
饌玉偏知蓼味辛  
濶到海波能育物  
明如天火受同人  
直教未脫藍袍者  
也沐陽和大地春

熙朝元化接元台  
崇雅無庸輕艷才  
樂備禮明觀止矣



蘭馨桂馥氣佳哉周三物要諸生備虞四門看此日開  
山岳由來資土壤儘容一得罄懷來

摩空健翮倚雲搏愷悌憑將百祿干合有魁儒推學富  
免教

聖主嘆才難文章自要爭千古科第寧惟博一官萬事  
心花能結撰墨花開處燭花殘

三條燭盡漏聲沉嚼徵含宮費苦吟誰似賈生能策治  
漫希揚子好思深圭璋有價諮都市梁棟須材訪鄧林

自古人文關國運虛公端合體

皇心

恭和

御製翰林院宴畢

駕幸貢院七律四首元韻

張泰開

鎖院奎躔協五辰

日華門外鳳城闈欲培士氣歸長養尤愛儒生耐苦辛  
禮樂百年隆額俊明良千載在知人蓬山宴後

龍旂出

寵賁風簷萬國春

延英講席接元台為闢賢關擢俊才傳世文章特末耳  
匡時事業豈徒哉丹心自有冰壺潔寶氣先由鐵網開  
紉纒

天書丕煥後共將衡鑑記從來

鵬程自昔趁風搏未許蜩鳩妄意干得失總由人事判  
推敲應覺匠心難含經便欲窮三篋對策非徒効一官

多少儒臣隨

鳳輦濡毫猶憶燭花殘

十番棘院愧浮沉長對青燈擁袖吟幸拔泥塗驤首後  
方知雨露沐

恩深驛驢合與開先路燕雀何期託

上林此際傾葵圖報答承明莫負

聖人心

六言律詩

鏡水雲岑應

制

趙熊詔

近水遙岑交映鏡光雲影相涵平開一片皎潔亂點長  
空蔚藍鑑洗獨澄秋月霞披常對晴嵐天然別苑圖畫  
佳處全憑靜採

皇清文穎卷九十一

欽定四庫全書薈要卷一萬九千四百九十三集部

皇清文頴卷九十二

詩

五言排律

瞻仰

盛京宮闕念

祖宗創業艱難恭賦

理密親王允初

祇

命趨遼海崔巍仰

舊宮嚴凝天氣肅盤踞地圖雄念昔開王業乘時奏武功  
師征方自葛城滅又遷豐一劍風塵際三陟

指顧中

神威宣率土求莫協

蒼穹式廓彌增壯維垣遂克崇八門連閭域雙闕柱高  
空曳珮千官入輸琛百國同兵農旋定制禮樂漸移風  
爰及純熙介逾看景厯融中原欣奠鼎故里抱遺弓陶

復追家室春陵望鬱葱  
星辰咸拱北王氣本從東  
幸是餘休渥還令後裔蒙

聖慈垂閭澤

敕遣諭微躬遠歷關山峻來親

祀典隆丕基勞

櫛沐奕葉荷

帡幪松楸靈祇護粉榆社飲通有懷長不寐明發惕淵衷



賦得萬壑泉消夏千峯翠作秋應

制

莊親王允祿

萬水迴環集千峯次第連披襟實樂矣縱目更悠然翠  
寫秋容出清將夏暑捐涼風生密樹爽氣滿遙天仁智  
情應洽生成道已宣隨

鑾行幸日俯仰興無邊

鶴

果毅親王允禮

舊號仙人騎蓬山路未岐九臯通碧落一舉到華池宛

轉青鸞舞雍容白鳳儀在陰聲可和警露夜先知入帳  
非無術銜珠會有時緇衣誰製作縞袂想風姿食有芝  
田粟棲應若木枝鵷鳳頻接羽丹穴許同窺

驪山溫泉

果毅親王允禮

西郵來奉使經此古溫泉沸訝陽冰渙潛疑陰火然

海賦

陽冰不治陰火潛然濺波千點雪徹底一泓天可使纖埃淨能教

積滯捐

庾信溫泉碑畧醴泉消疾神水蠲疴

神功元一炁靈蹟儼雙仙盪

滌洪鑪翕滄涵銀漢連虛無來素女彷彿遇丁芊

藝林伐山

丁芊祝融女嫁  
冥子為溫泉之神

風珮搖聲細雲鬟照影妍鴻濛浮玉

海漱灩泛珠淵下上華清月

唐溫泉宮又名華清宮

東西繡嶺烟

東繡嶺在驪山右西繡嶺在驪山左

寶箴張道濟綺語杜樊川宮憶初唐

建名垂貞觀年

扈

駕省農

果毅親王允禮

洛水披圖日弇山紀石時八荒歸

雅化九域奠丕基拓地過隆古觀風舉盛儀

金輿彰順動玉琯叶昌期負弩趨疏勒飛書召郅支塞  
雲紫紫蓋邊月映紅旗北陸風霜潔西郊秉穗遺

翠華還上苑

玉輅過東菑止

輦求民瘼迴

鑾問土宜雲鋤紛似織露積簇如坻曠野逢耕耦中田  
見秉犁草零藏雉葉桑翳宿鳩枝遂仿三推禮長歌七  
月詩

鸞鑣花外駐

玉趾隴邊移照以春臺景暄之黍谷曦何勞先甲戒不  
減上辛祈嘉穀來舜布恩膏土脈滋歡呼田叟列忭舞  
從臣隨國寶尊農業民天托甸師艱難三古繼

訓誠百齡垂實粟應連畝方苞定兩岐有年賡雅頌無  
逸著歲規翠釜羹長滿紅蓮飯可炊蒼黎惟擊壤黃髮  
喜含飴蜡臘民無缺羔豚歲有資漫誇封泰嶽却勝宴  
瑤池

德比神農教

功超保介咨微臣陪扈從濡筆奏雍熙

勵志詩

果毅親王允禮

若木分枝近銀潢衍派殊清宵

螭陞侍長日鯉庭趨月露飄紅桂天星種白榆含光希  
玉璞颺彩羨鵷雛少小惟耽學生平不貴諛惜陰思遠  
道愛日勵修途遂恐檀為穀終期石有瑜劬勞思樸斲  
誦習在盤盂奧理探心性天倫敬髮膚優游為善樂珍

重不貲軀拂几心偏適調琴意亦愉相期惟傳癖所鄙  
只錢愚分陝周公旦裁桐晉叔虞未能同尺寸何敢較  
錙銖制作窺神構儀型仰聖模談經秦博士挾策魯諸  
儒繡虎雖才俊雕蟲豈壯夫拈詩頻卽席問字或趨隅  
燕翼欽詒厥鵠原重友于蘿纖依柏直蓬弱賴麻扶天  
上恩波濶寰中政教敷

皇仁頻洽浹

帝澤久霑濡德被尋常地風行百億區華萍開舜沼翠

蓬長堯厨海甸頒王瑞河圖告帝符春風人樂愷化雨  
物昭蘇殿閣樞衣入郊園攬轡紆曉風楊柳眼睛旭杏  
花鬚膺膊碁鳴墅琤鋌矢插壺林亭饒逸興硯几得清  
娛蓬島曾遊未仙源得似無竹留餐雪个松挺傲霜株  
扈

蹕千軍動陪

輿七萃呼邊風調冀馬塞月挽燕弧雲路三千里天街  
十二衢野雲連草樹寒日淡烟蕪秋盡從禽樂時平教



戰須解絳搏健鵲舉網截奔狐事偶陪蒐狩心常寄典  
謨臨書先起草點筆試研朱接要提文柄探元握道樞  
不煎冰作水肯買櫝還珠極口篇章共殫心竹素俱情  
緣涉世澹貌以苦吟癯直道青松在閒心白鳥孤英賢  
如不棄欲繫食場駒

和題西湖韻

和親王弘晝

覽卷懷佳勝名區未許同平湖開瀲灩精舍倚龍從九  
夏晴光泛三春瑞氣融雲山浮秀色景物奪天工暮靄

添烘染朝烟倍鬱蔥有花皆爛漫無雨亦空濛却勝宜  
春苑還過避暑宮中流凌浩渺絕頂歎穹窿波共長天  
白霞連夕照紅萬松排嶺面千堞繞湖東孤嶼寒香發  
虛亭翠黛籠招提凌碧落岩壁引飛虹鳥噪斜陽外鐘  
鳴古木叢葛翁留故跡丹叟有遺風玩月乘輕艇尋芳  
跨玉驄往來無俗客傳說到村童白傅長堤上蘇公往  
蹟中披圖如已到吟眺興無窮

題西湖畫扇

慎郡王允禧

今識西湖面丹青顧陸同移山來筆底決水入毫中深  
處行難盡高原望去通峯頭含暮色林表見春工洲渚  
形迴抱樓臺氣鬱葱野雲皆靉靄晴靄半空濛綠桂詩  
人宅青蓮釋氏宮長橋羅近遠古塔起穹窿烟亘三潭  
白霞分萬嶺紅星龕松冪厯雪竇石玲瓏塢有燒丹叟  
亭遲放鶴翁藥窻苔蘚合樵徑薜蘿豐城郭清輝徧村  
墟碧樹籠隱聞鐘起寺恍見澗垂虹岫合猿藏壑花深  
鳥在叢遊船邀落日客袖得清風嫩草隨芒履長堤引

玉驄柳瓢分蠟酒，蜜榼從山童。勝跡神能領，竒觀意自融。從來詩畫興，對此轉無窮。

賦得龍池春草

平郡王福彭

上苑陽和早，龍池百卉鮮。萋萋青匝地，冉冉碧連天。濃染花梢露，輕霏樹杪烟。細叢依曲岸，疎影落清泉。色映金階靜，陰隨翠荇牽。香塵棲嫩綠，芳草鬪新妍。

奉

命督修

福陵水法恭紀

平郡王福彭

自天申泰運卜地肇王基佳氣東京壯祥光北極垂皇  
圖原鎬洛大業遡幽岐堂構經綸遠勲華建立竒一成  
開草昧尺劍定邊陲景命天興漢乾符籙受姬作求綿  
世德紹述際昌期長嶺蟠龍脉渾河遶鳳池鼎湖攀不  
及弓劍鎮於斯閭闔通霄漢烝嘗峙鼎彝烟霞呈瑞靄  
草樹毓靈芝遠岫青羅列遙峯碧逶迤紛紛排綵仗奕  
奕擁旌麾瀾渺江兼海蒼茫派與支會歸俱有極環抱

更無涯但覺靈源漲微嫌故道移非材膺鉅任

寵命被恩私奉

詔臣初至鳩工力漸施增高雲路繞培薄土膏滋曲岸  
金隄固圓流壁月窺淪漣澄藻鑑湫澱淨琉璃羣瀆朝  
宗日千條一貫時涵泓生厚澤廣大擴宏規垣禁諸星  
拱明堂萬馬馳寶城瞻帝闕喬岳奠坤維磴道連層級  
松林接茂枝典謨鐫綠字功德矗豐碑黎庶騰歡頌

君王格孝思恪恭承

聖訓樞謁肅朝儀萬世無疆福祿哉燕翼貽

香山

輔國將軍博爾都

萬木鬱蒼蒼迴巖碧照堂雲來山寺暝花覆石門香攀  
樹登峯遠穿崖引澗長傍簷藤作壁近水竹為牀清嘯  
臨芳甸高吟向大荒彈琴魚解聽拂席鳥爭翔塵世渾  
相隔身名竟兩忘醉餘幽興劇歸路滿斜陽

福陵陪祀恭紀

張玉書

大漠龍興日邊庭虎步辰白山浮王氣黑水渡真人一

旅璇圖廓千秋景運臻  
宅都森拱衛卜域湧嶙峋  
拜手瞻丹馭攀髯憶紫宸  
禡旗師應律籌幄動如神  
塞北收俄頃河東定決旬  
射駕遼海岸獵兕嫩江濇  
駿馬諸藩贄編珠絕島珍  
莠鋤張

聖武嘉植飲

皇仁書契文初炳耕桑詔屢申  
英雄來草澤廟社闢荆榛  
綿蕞儀追古幽風俗舊淳  
地寒銀磧雪人燠翠華春  
肇迹垂鴻永開基翼燕新  
衣冠藏石隧弓劍護霜筠  
殷



享祠官肅成功祝史陳雙峯窺日月虛殿拱麒麟蓋代  
規模濶敷天翊戴均痛餘趨磴下想像屬車塵

昭陵陪祀恭紀

張玉書

玉厯歸

真主禎符際盛期丕茲

高廟烈式廓太平基仙馭追應杳神游儼在茲山河垂  
睿畧日月仰

天儀開國經綸密當陽雨露滋聲華陳羽衛儉德示茅

茨獻納龍墀引圖書鳳閣披愛賢通燕笑拊卒問瘡痍  
訓切投醪事恩深挾纊時兩勤南漢駕頻趣北庭師水  
劃熊津濶山迴雁磧奇旌門羅貢賁毳幕擁降旂環島  
收唇齒緣邊戍虎羅雕弓臨塞勁鐵馬度遼馳指顧中  
原計艱難締造規令模傳寶籙遺範鏤豐碑

先帝羹牆慕

今皇陟降思薦馨浮酎醴展苾溢松脂芝草周垣茁春  
陰匝殿移五雲回望渺霑灑有餘悲

長至日

上躬祀

南郊恭紀

張英

至日躔南極初陽紀仲冬繡裳添綵線玉琯應黃鐘慶  
典同函夏明禋掌秩宗齋宮香霧繞泰時碧雲封視版  
臨深殿

親郊出九重霜華迎

翠輦燿火照寒松登降聞

天語堂皇仰

帝容瑤臺

三后配黼帳百神從繭栗燔柴犢星辰護燭龍祠官調  
寶瑟舞羽間金鏞一德符穹昊羣僚秉肅雖遙瞻蒼壁  
薦共覩紫烟濃

蒙

賜觀

聖製詩集恭紀

張英

聖藻盈絀帙高吟

秘殿清端居因感物幾暇偶怡情字掩三辰麗詞探六義精含毫當

紫闥結念在蒼生瑞雪歌銀甕華星詠玉衡艱難憐荷鍾辛苦憶從征句每

臨軒得篇多

駐輦成烟霞邀盼賞巖壑記巡行氣溢河山壯思翻海岳平規模凌雅頌律呂叶韶醵寶樹千尋直珠光萬斛

傾幸容依

黼席竊許聽金聲日映丹青近奎懸碧漢明  
賜觀恩數重捧讀寸心驚仙露臣同渥卿雲  
帝載賡願偕芸閣侶常紀柏梁名

扈從謁

孝陵恭紀

張英

鼎湖龍久去冠劍託幽宮地接東溟日山藏大漠風入  
雲浮寶幄跨澗落銀虹

寢殿周廬繞園林輦路通關城花自發溫谷水常融松  
棟思堯德龍門頌禹功千峯爭侍蹕萬嶺儼呼嵩典禮  
遵前制經營殫

聖衷望

陵迴玉仗瞻宇却花驄宗伯陳犧象祠官獻禋種懿親  
陪奠聳故老慟遺弓石馬嘶何處寒山夕照中

閱農應

制

陳廷敬

聖作勤三事

天行啟四聰有年惟

帝力無逸即田功桑柘扶鑾輅茅茨駐玉驄  
野花穿仗發山翠拂旗空壤繡紛交錯川長引  
鬱蔥嘉禾方剡剡瑞麥已芄芃鶯度濯枝雨柳  
眠吹絮風周原千畝綠漢粟萬箱紅下濟光明  
遠高居造化工年華丹禁裏烟景慢城中粒食  
增堯乚薰絃倚舜桐九農應送喜歌舞海隅同



五月十二日

賜觀

聖製南巡詩卷恭紀

陳廷敬

鳳紀天長久

龍飛日正中萬年三月序九叙兩河功典禮虞巡重江

山禹甸雄

帝歌垂睿想民俗入王風翕闢乾坤共鑪錘造化同詞  
源方浩瀚元氣益冲融丹笈迴雲篆滄溟散彩虹壁連

還縹緲珠綴自玲瓏香影瑤編動鈎分寶字工鶯花供  
御藻雨雪志年豐玉律飄陽管金聲韻嶧桐衢謠歡故  
老巷舞走兒童

恩與留題遍榮逾錫命崇道周神理貴物感至和通謨  
烈超千古文章達四聰祥雲盈卷帙瑞色上書筒雅頌  
恢

皇統英華發

聖衷石渠春漱灑藜火曉瞳矐

高厚思隆遇迂疎愧匪躬併將颺拜意稽首祝蒼穹

禮闈校士得十四韻

陳廷敬

數到掄才地承

恩自

禁林纔移經席仗猶殷屬車音白首冰銜晚青春鎖院  
深昔遊思短褐榮路愧華簪銀燭三條盡銅壺午夜侵  
苑花應冉冉闌棘自森森簾下經過斷風前語笑沉樓  
明金榜月臺轉玉衡參

地隣觀  
象臺

屢輟中宵夢同憐瀑直

心香凝新繡網寒戀舊綾衾忝竊繁文字蹉跎細討尋  
池邊蹲豈鳳書裏穴成蟬典職堪遲暮登賢鬱滯淫不  
辭鉤校切有暇得微吟

正月二十七日聞大軍收復成都保寧

午門宣捷恭紀

徐乾學

禁城寒律轉

仙關斗杓東冀落過元夕星迴驗八風疲民勞

睿慮荒服厪

宸衷妙算三軍稟飛書萬里通威行梁益部捷奏建章  
宮九陌歡呼遍千官舞蹈同憶初騷貴筑未久沸羌髻  
賊隊紛於蟻妖氛黯似霧威弧元灼爍晴旭正瞳矐閩  
粵旋歸命涇原敢怙終遊魂餘絕徼逆孽剩狂童王應  
猶蟻蝨劉稹本蠓蠊兩川形最險六載寇方訢鎖斷巴  
江碧燒殘閣道紅一夫為楔猱七姓作沙蟲井絡天懸  
綫彭門地鑿硤鼎魚驕圍圍窟兔走憧憧頓甲環三輔  
飛鳥過九峻折衝多燕頤制勝在

重瞳

廟畧神批亢

天威迅發蒙鋒車馳學士

密勅授元戎鳳紙裝縑表龍文襲錦幪恩踰操玉斧寵  
勝錫彤弓乍聽鳴笳鼓俄看掃蟬螭先聲拔柵猛奇計  
裹羶雄鐵騎重關會金鉦兩道攻葭萌趨閬郡平武向  
資中江過嘉陵曲山臨玉壘崇青川開院塞白水失艨  
艟一鼓收緜雒崇朝定梓潼鋒驅突陣豕鞭截飲江虹

槁葉迎風墜春冰見  
曉融前茅排鶴鶴禁旅接  
罷熊精甲從天降克渠入地窮  
長蛇膏劍鏑困獸縛車釭馬服  
真名將龍驤屬上公同時資羽翼  
一瞬轉飛翬不數岑吳績休論會  
艾功壺漿來焚婦歌舞雜巴童  
畫柝安廬舍春耕播種種閭閻  
應衍衍禾黍漸芄芄此地遭青犢  
當年劇亂蓬人家葵井在城邑  
芋田空荆棘封磐石狐狸嘯射洪  
哀絃聽杜宇庾語覓芎窮三紀勞  
生聚千村稍鬱葱那堪重躡藉何計  
慰疲瘡驅迫偏荼酷瘡痍切

慘惻生涯愁駭鹿物力歎枯稜泛泛巢林燕嗷嗷叫澤  
鴻及茲濡雨露多幸脫樊籠再覩雲中日重甦燹下桐  
輜軒將李邵輶蓋擁文翁亂定欣徭息時平祝歲豐  
機披蜀錦釀酒醉耶筒惠化停車鄧威名坐樹馮徑  
須開鶴甸不獨剖蠶叢破竹鋒迎刃磨崖柱勒銅  
仁聲漸洱海武畧震崆峒玉燭調時序金泥告岱嵩  
普天沾潤澤渙號走靈籙受賁咨重譯垂裳達四聰  
格苗虞化溥征卮夏勲隆拜手陳詩頌含生仰



化工

官軍收復成都

午門宣捷恭紀

有序

陸 棻

臣聞滇賊弗庭迄茲五稔幽譴既伏顯戮尚稽我  
皇上旋轉在中張弛並用六師所臨罔不從風區區西  
南徼外之地形同黑子以兵取之易於反掌而猶  
竄跡鬼方閉關拒命祇以兩川之險向為賊守也  
今斷自

宸衷簡書申勵爪牙之士奉揚

國威分路前驅一乃心力漢中甫下直趨保寧龍安納  
欵成都底定軍鋒若飈彼擇盡卷雖漢帝之滅公  
孫宋祖之禽孟昶未能如此神速克奏膚功者矣  
由是通道西羌順流三峽犄角此寇腹背夾攻料  
其游魂惶駭莫遁倘不肉袒歸罪則內變將作必  
有梟逆豎之首以獻者臣材質最陋忝竊史官歌  
咏之事固其所職也恭聞捷音喜而不寐羣工作

頌何敢後焉敬賦斯篇以紀其盛

黼黻光乾德樞機握吳權金甌完鎖鑰玉斧闢孩提奪  
險軍威振恢紘

廟算全俄聞三戰捷驟解一方懸靄淨春霄迴風迴露  
布宣火城如待旦

丹詔恍從天咫尺

龍顏喜東西虎拜虔鴈行欣緩步鳩杖慰華顛漏下闔  
鑲啟珂鳴陌炬闐輝輝含譽粲縵縵慶雲鮮欲紀旂常

績須操翰墨研營初屯大散寇或踞飛仙呼癸輸頻繹  
開丁峽乍穿因糧多得助轉鬪更無前士已歡騰飽民  
猶効餽牽壺漿斜谷遍扉屨棧江沿合勢謀猷壯分兵  
著數先崇牙踰白水別隊繞紅川驍騎排鵝鵲腥波斲  
鮪鱸與峯齊積械逐鳥共揚鞭罌縛凌寒度枚銜取勝  
偏在和師必克以律閭誠專夾擊雞踪後長驅鹿嶺巔  
七盤愁實據八堵疾攻堅不泝岑侯艦還推鄧尉羶輜  
車來重霸枝柵碎任園颺發潼南屋冰漂灌口船刃由

鐵檻接旗至錦屏  
零疊雁摧嘹唳潛  
龍斷蜿蜒馬勲終  
受戮譙縱枉同捐  
奠吐陶階十榆收  
陝地千非憑聲赫  
赫誰履道平平往  
者羌偕叛盈時罪  
罔悛實人隨李特  
米賊附劉焉節使  
甘蒙面書生忍負  
肩健佳何弗拒賴  
簡總堪憐莫灑瓊  
瑗血都沾蠻觸涎  
柘黃驕躍轡黥黑  
亂披鬢鍵戶封箕  
斗棲巢倚劍綿但  
思嬰阻隘那肯慮  
回旋泥坂丸徒守  
蠶叢繭自纏碣磔  
籠上住匱西甌中  
眠鑄幣空銅穴徵  
緡困麴錢酢醅荷  
葉裹粃粒蜜香煎

醉賞邀床宴高援樹閣椽處貪堂燕樂命冀釜魚延瓜  
鋪沉沉霧松州寂寂烟花蜂銷億困估客歎虛淵杼軸  
應停織耶筒也廢傳販樵刪桂種宿莽宅畬田赤岸霞  
成縷朱提石似拳遺風渾索寞疲俗倍愚顓裙屐持犀  
柄潢池弄棘鋌吠晴紛市犬啼夜滿林鵲逆黨奚難罄  
洪流未可湔撓膚殊癰疥惻念此饑瘡幹止將寧汝奸  
究詎舍旃固云除惡盡亦謂救焚然折匕申嚴約囊書  
載短鞵夏侯輦鼓靜諸葛陣圖圓早切雲霓望名驚瘧

癘痊垂簾人坐肆走輦貨充廛甲枕巴文洗銘梯盛字  
鐫置郵歸版籍授鉞選材賢馭聽危崖叱帷經曉郭褰  
趣裝携瘦鶴到部飲廉泉扶荔新疏圃蹲鴟舊越阡栽  
芙圍繪繡造粉穀清漣漑遠資耕鑿祠荒復豆籩蔗畦  
苗漸茁鹽井脉相連涪扇澄藍紙幢花換翠鈿竹枝歌  
婉婉渝舞足躑躑貢罷璆兼磬神浮祀與梗閭閻馴鼠  
雀亭長恥鷹鷂庶矣蘇殘燼期於戒削股元戎能輯衆  
左相善籌邊近拊牂牁背遙批熨燹咽燈檠謠易驗篆

板讖宜詮筭路通荆蹻秋槎泛漢騫及鋒當賈勇扞圉  
絕攀緣計日誅蒙詔環星拱薊燕職方王會月瑞木太  
平年感遇羞糜祿趨蹌忝具員朝班裘豹飾俊彥珮蟬  
聯互擲湘筠管僉題側理牋韓詩音逼古柳雅句爭妍  
仗立容疲蹇麻生挹蕙荃請纓懷嚮往磨盾力拘攣引  
領依

宸極抒忱憶廣筵逡巡承暖曝博厚納埃涓采藻蓬萊  
苑賡颺謨典篇宓疇宗象畫薰吹拂韶弦始覺寬宵旰



行知卽凱還股肱咨爾弼朕朕問于畋

聖武昭桓撥

皇仁溥恤蠲心雖矜僕固法不宥高駢悉剪鴟張翼窮  
追豕突跽指碑遑被過繫組諒懲愆干羽苗頑格商奄  
洛邑遷竚看馳檄去亟為定昆滇

御試省耕詩

朱彝尊

長樂虬鐘啟端門羽仗排良辰元已近暄景暮春佳

帝念勤民切羣情望幸皆蘋風吹近遠蘭澤洗氛霾銜

尾中流鷁拳毛內廐駟農輿沾雨露俞騎東鞞沙柳  
津亭岸山松驛路牌西疇一以望東作此時偕于耜分  
原上提筐饁水涯杏花殷似火菖葉小於釵巷靜飭簫  
市烟低土銚柴倉庚飛習習布穀語喈喈樂事紆  
乾顧豐年協

睿懷歌時成夏諺行處即堯階帳殿開黃屋人家統翠  
厓定知先稼穡力為減徭差吉日宣王禱空同軒后齋  
星躔齊北拱聲教已南諧曲渚宜浮洛芳樽迥勝淮

宸遊多悅豫振旅入天街

大駕重幸直北校獵時冬祭後三日恭紀

施閏章

九廟明禋重初冬爽氣高停鑾纔盥薦出狩又旌旄組  
轡王良馭珠弓羿氏弣六龍真逸足三輔舊神臯問寢  
紆

宸幄于田佩寶刀共知勤部勒豈謂騁遊敖霽日迎仙  
仗朱霞照

御袍合圍熊館破決中虎賁豪野獲窮山谷弦鳴落羽  
毛皂雕雲外盡赤豹檻中嗥齒革資軍實豺狼念賊壕  
是時求俊乂侍衛繼英髦五柞離宮盛甘泉彩筆操計  
禽分勇怯講武寓甄陶虞甸爭除道郊圻待獻醪省方  
天藻發涉遠

聖躬勞帳殿霜生劍騎營夜屬橐饒歌簫鼓競宴賞羽  
林叨漢主誇宛馬姬書訓旅燹興朝誰諫獵蓄意忝含  
毫

湯泉應

制有序

明珠

湯泉在遵化州西北四十里福泉山下寬平半畝  
泉水沸出傍有冷泉均其氣候誠養德和神之用  
也

上以地近

孝陵頻經臨幸兼奉

太皇太后歲時遊賞建宮其上樸而不華康熙辛酉三

月

駐蹕馬蘭峪

召扈從諸臣觀於溫泉

命臣宣示

上意使得周歷遊眺諸臣懽欣鼓舞咸頌

皇上之孝思儉德規模弘遠足為千百世法乃各賦詩  
應

制臣以愚陋不獲賡颺萬一然身際

聖時私願託附不朽勉成二十四韻復序述其事以志

幸焉

御天來鳳輦浴日啟龍池淑景黃圖早朝暉紫幄披落  
花綵仗初柳拂珠旗野迥紆

皇覽鑾停擁地祇翠巖深窈窕瓊構鬱參差蘿磴時留  
蹕松門不剪茨方塘含皎鏡文甃淨連漪却望

陵園近彌深弓劍思山川開麗矚草木得華滋豫悅千  
秋洽陽和庶物宜每勤長樂養獨奏廣微詩溜暖春頻

駐波暄律罷吹逾涯涵

帝澤曲逮被臣私並

命觀溫渚相將涉澗湄氣凝漿五色味絕露三危凜節  
何由度恩光實在斯赤鱗游自異錦雁飾奚為瑞已徵  
靈液祥應頌玉芝遠侔堯德儉只法禹宮卑孝理能馴  
鹿仁風遂化鷗撫躬多竊幸好爵久相縻喜共清泉挹  
如從丹洞窺濯磨欣有賜調燮愧無奇願託潺湲水年  
年奉



聖慈

湯泉應

制有序

杜臻

臣聞水火者陰陽之精陽得質而陰得氣為涼為  
燄陰得質而陽得氣為泉為湯則湯泉者實炎潤  
之相資為坎離之既濟包含元氣保合太和由來  
尚矣遵化州西北四十里福泉之山湯泉出焉甃  
石為池方平如鑑不火而燠遇寒而溫色白鉛溪

泛珍珠而成串烟青銅浦注甘露以揚芬噴薄則  
魚目虎鬚流膏則醴泉玉液蠲疴益壽厥功茂焉  
皇上問安視膳既無間於

宮闈養志承顏更時深於

巡幸以茲泉之潤可以致遐齡茲土之宜可以適

聖體乃營別館特繕瑤池暄波迴繞於曲阿淑氣充周  
乎

清禁爰游爰止攸躋攸寧洵尊養之獨至者矣且也山

連昌瑞地接

寢園冀北漁陽則

神京之左輔焉石門蘭峪則

孝陵之近郊焉

皇上感霜露之淒清肅烝嘗於裸獻松楸在望經隧道  
以愴懷弓劍當年憶

龍髯而雪涕齊明盛服沐浴華池又孝思之獨切者也  
況制崇淳樸境遠塵囂不剪茅茨仿唐堯之儉德

無煩輪奐儼夏禹之卑宮豈比夫曲水昆明侈陳  
宴飲華清興慶徒事遊觀已哉歲次重光月臨姑  
洗臣等恭承

嘉命仰黍谷而生春跪聽

溫綸挹

恩波於在藻徘徊青駛盥漱芳馨濡毫乏庾信之文授  
簡愧傳咸之句不揣蕪陋莫罄揄揚有

詔賦詩凡二十有二人臣臻敬賦五言排體一章其辭

云

勝蹟開溫谷名山滙福泉坤輿畿輔拱王氣

寢園連溜暖春常在波暄火似然琉璃圍石甃蛺蝶落  
金錢鏡澈空明月珠浮淡泞淵丹砂中蘊地赤道上經  
天難老宜眉壽長生駐倏佺延齡功獨盛濟物理仍全  
聖主晨昏切

慈闈定省專有時移

鳳輦別館下雲旃神女調香液瑤階遶瑞烟鶯歌臨水

處花笑舞觴前

帝孝真無極

皇情更自牽瞻依

橋嶺近悽愴玉衣懸裛露懷松柏惟馨肅豆籩

宸遊非逸豫孺慕幾迴旋不改宮垣舊還除粉繪妍芳  
規誠卓越儉德永流傳竊愧清班忝俄承

睿旨宣彈冠齊被濯晞髮愛潺湲快靚氤氲色欣逢景  
慶年滇池安鼎沸瘴海罷樓船澤潤垂千葉風和被八

埏

湛恩霑既渥染翰效微涓

湯泉應

制

沈荃

紫塞風雲壯黃圖禁籞長

鑾輿臨薊甸羽衛警漁陽  
蘭峪嚴關矗湯泉遠岫蒼神  
臯原峻拔瑞靄自迴翔

特詔觀仙液連鑣度碧岡  
遙瞻烟靄靄近聽玉鐙鐙鑑

入千峯翠霞蒸五色光噴珠紛上下舞蝶宛中央焦釜  
流波灼丹砂著體香甘宜頻盥漱潔可坐徜徉古院棲  
幽勝穹碑仰焜煌有懷探岫嶠無句續琳琅載繹

天言重彌欽

聖孝彰晨昏勤定省左右適溫涼暖谷疑調鼎瑤池儼  
奉觴延齡輕玉醴却病勝神漿允矣

重闡慶休哉

景祚昌林巒森並列



陵寢鬱相望黯黯松楸迥依依  
弓劍藏豈因供眺望庶  
以肅烝嘗甃石渾仍舊繚垣不改常  
茨階昭樸質館宇  
誠雕牆

儉德超三古

仁心訖萬方如天真協帝又日更師湯  
被濯蠲民慝涵  
濡裕物康洗兵蛟海外染翰鳳池傍  
下濟簪裾洽來歌  
采藻揚

豫游行補助賡拜繼明良汾水寧誇漢  
驪山直陋唐靈

源叨寓目盛事耿難忘

皇清文穎卷九十二



總校官庶吉士 臣 張能照

校對官檢討 臣 郭寅

謄錄監生 臣 許祖懷